

永樂大典

卷一萬九百四十九

永樂大典卷之一萬九百四十九 六姥

撫

撫州府

舊路 親領縣五 臨川 崇仁  
宜黃 樂安 金谿

目錄

沿革

分野

疆界

城池

至到

坊巷

府治

統屬

廟祠

壇壝

官制

兵防

風俗

古跡

學校

書院

寺觀

土產

永樂大典卷一萬九百四十九

一

戶口

賦稅

人物

名宦

題名

封建

牧守表

科第


忠臣

孝義


文章



# 江西撫州府總圖







永樂大典卷一〇九四九




# 江西撫州府崇仁縣之圖






江西撫州府臨川縣之圖

















建置沿革

大明清類天文分野書有揚州之域。其紀年分屬春秋時吳楚戰國時齊楚。秦晉之江。漢高帝六年分九江置豫章郡所統縣十八。南城居其一。東漢和帝永元八年分南城之北境為臨汝縣。晉豫章郡三國。其太平二年。以豫章東部置臨川郡。晉臨汝南城二縣。又增置宜黃永城等八縣。魏揚州。晉惠帝元康九年割豫章臨川等郡置江州。改西平為西豐。西城為西寧。宋省西寧。齊曰。以臨川郡徙治南城。梁復治臨汝縣。隋臨汝南城。宜黃。安濟。西豐。南豐。永城。又新臨汝為定川縣。凡備縣八。隋臨川郡為揚州。陳洪州都督府。開皇九年廢已山郡併新定西寧等六縣。置南仁縣。隋揚州。又併西豐定川入臨汝。改為臨川縣。廢南豐永城入南城。大業三年。復改揚州為臨川郡。唐武德五年。復置揚州。補臨川南城。郭武等八縣。七年省東興。永城。將樂三縣。入別郡武甯建州。八年省宜黃。貞觀元年。以揚州隸江南道。開元二十一年。以揚州隸江南西道。天寶元年。復改為臨川郡。乾元元年復為揚州。領臨川等四縣。五代。恭德元年。兵揚州陸為昭武軍節度。宋開寶四年降為軍州。隸江南西道。楊州四。建炎四年隸江南東路。紹興四年復隸江南西路。元至元十四年。陸為揚州路。

水樂大典卷一萬九百四十九

九

國朝為揚州府。晉江西布政使司。揚州府志按舊志周秦以前。揚之地為荆揚二州分野。史吳越楚三國。至秦分天下為郡。地屬九江。漢初改九江曰淮南。後分淮南。至豫章東部為臨川郡。領臨汝南城二縣。臨汝。本二水名。臨水由西南而來。自崇仁縣已山發源。已山。謂之臨川山。合宜黃水至西津。故曰臨川汝水。自吁江吁母山發源。自南城由石門而下。至郡之東南。抱城而西。北流合臨川之水。或謂汝字從水從女。以吁為母。女為女。故曰汝水。舊置郡。嘗合二水之名。故曰臨汝。其及晉宋為臨川郡。亦治臨汝。齊徙治南城。至隋平陳時。總管楊武通奉使安撫臨川。因改臨川為揚州。治在西洋之赤岡。唐寶應中。太守王圓遷于西陵。即西洋也。五代時危全諷遷于香楠山。即今治也。自唐至宋末。相沿為揚州。歸附于前元。改為揚州路。總管府。戊戌五月。監郡完者帖木兒。以城降于陳氏。辛丑十一月。聖朝總兵官鄧愈。統率大軍至。守臣張子高降。改臨川府。後又立為揚州府。輿地紀勝。臨川郡軍事。九城志。高直。揚州之境。元和郡縣志。於天文為星紀之分野。臨川志。引漢地理志云。豫章其地。斗分野。次為星紀。辰在星。晉天文志云。豫章入斗。斗度臨川。屬豫章。別為斗分野。次為星紀。辰在星。晉書地理志。星公類要。及宋朝郡縣志。並以高直為其。而輿地廣記。則以為春秋



為百越之地。大抵未言在撫四州之地。諸書皆以為屬吳惟與地廣記則  
端以為百越之地。地亦無所考據。却於濠州下引吳起相楚諱王南平百  
越。於是屬楚。然考之地。是。在古二州之地。綿遠與廣為隣。介嶺南以立郡。  
指以為越。尚或可據。至唐末撫二州。皆內地也。不應別指以為百越之地。  
故東州新編圖經於百越之地。又越星分。皆削而不取云。越滅吳。王傳。景  
公二十三年。其地屬越。越既滅吳。地當屬楚。戰國時楚敗越。其地屬楚。與  
地廣記。以為戰國屬楚。他書皆無所指定。然通鑑周顯王三十五年楚敗  
越。其取吳故地。則其地亦當屬楚。秦併天下屬九江郡。在漢為豫章郡之  
南城縣地。漢高帝六年。分九江置豫章郡。今按漢志豫章郡所統十八縣。  
南城預為。後漢和帝。分南城北境為臨汝縣。東字記。續漢書郡國志云。臨  
汝屬豫章。東字記。三國時。吳主孫亮分豫章之東部南城。今屬是昌。臨  
汝今屬撫州。二縣。置臨川郡。沈約宋志載在大平二年。自晉以來。諸縣廢  
置不一。東晉入於境內立巴山郡。陳封文帝為臨川王。隋平陳。罷郡為州。  
特總管楊武通奉使安撫。即以撫州為名。因廢巴山郡為崇仁縣屬撫州。  
又改臨汝為臨川縣。並在開皇九年。煬帝改撫州為臨川郡。大業三年。唐  
平林士洪復置撫州。領臨川南城邵武宜黃崇仁永城東興將樂八縣。東

水樂大典卷一萬九百四十九

字記在武德五年。尋省東興永城將樂三縣。又割邵武屬建州。東字記在  
武德七年。又省宜黃縣。武德八年。隸江南西路。開元二十二年。改臨川郡  
天寶元年。復為撫州。乾元元年。五代偽吳升為昭武軍節度。明長九年。南  
唐李氏因之。又割南城縣。置建武軍。付江志。或在開寶二年。元城志云。開  
寶三年。以宜黃場為縣。宋朝平江南。降為軍州事。宋朝會要云。偽吳為昭  
武軍節度。開寶八年。降為軍州事。中興以來。隸江南西路。紀年錄云。紹興  
四年七月。詔撫州建昌軍。依舊隸江南西路。今領縣五。治臨川。東字記。元  
領縣四。今去。臨川。崇仁。南豐。宜黃。全賴臨川志。昔者公劉度夕陽而荒。函  
都也。逝彼百泉。瞻彼潯原。遶陟南岡。乃觀于京。蓋度夕陽之西。去源泉之  
卑。而就潯原之高岡。出乎原之上。兩京又出半岡之上。所以居高明也。矣  
攷吾州若昔。與創始亦類是。吳時成周卜宅而依潤澤。晉人議遷而驚汾  
滄。今吾州介乎臨汝之中。又其遺意皆所以搭二水之會。納風氣之全。其  
民主之安也。淳熙嘉定志。實應中太守王園以地勢卑。非道路之會。因徙  
于西隴。然虛右擁左。形亦未叶。中和五年。危全諷始遷今治。慶曆中。吳朝  
辛附癸。納溪山。複疊之繁。無舊治卑偏之陋也。舊志州治所紀。唐刺史舊  
宅。乾符中。為巨寇黃巢將柳彥璋所焚。中和五年。危全諷徙今治。披榛草



永樂大典

卷一〇九四九

創。越十四年。漸就推朽。乾寧五年。全諷再拓基址。建廳堂門廡厨庫畢備。舊志城池紀述唐中和五年。刺史危全諷新創羅城週迴一十五里三十六步。高一丈二尺。下濶二丈五尺。子城週迴一里二百二十二步。元一統志。梁復臨汝。分新建西寧置巴山郡。又置巴山。大業新安三縣。及取廬陵之興平。豫章之豐城以益之。凡領縣七。開皇九年。廢大業新安二縣入豐城。劉豐城還洪州。廢南豐。永城。入南城。大業三年。復改撫州為臨川郡。領臨川南城崇仁邵武四縣。十四年。陷入林士弘賊。唐武德五年。平士弘。而以興平之地還吉州。今永豐縣是也。景雲二年。復置南豐。開元二十一年。分十五道採訪使。以撫州隸江南西道。天寶元年。復改為臨川郡。乾元元年。復為撫州。置治於臨川舊城西津之西。亦岡。宋乾德六年。偽唐李煜復置宜黃縣。淳化二年。以南豐屬建昌軍。五年。以金谿場置金谿縣。依舊領縣四。十九年。劉崇仁縣天授志。長樂安三鄉。并吉州永豐縣。蓋鄉增置樂安縣。領縣五。元朝至元十二年。收附之初。仍為撫州。十四年。陞為撫州路總管府。領一司五縣。隸江西等處行省。錄事司。舊為本州在城地。宋設三廂領之。元朝至元十四年。創設錄事司。領在城民屯。

分野

永樂大典卷一〇九四九

十一

臨川志實之文。辨區別。其分野。則吳揚為斗。牛女為星。記考之舊經。吾州又文昌之所臨。照夫。上通於辰次。各著其分野者。天下之所同。上通於天垣。正應於文昌者。吾州之所獨。星土之占。其證則有休咎。所不可得而常。乃若斯文在天地間。則歷終古而光景若一。不寧惟是。人文化成。天象叶應。庶證有不若者乎。然則文星昭明。則不占有半。分野當蒙其福矣。天文志。斗江湖牽牛婺女揚州吳楚之疆。候熒惑丙楚戍兵。地理志。吳地斗分野。今之會稽。九江丹陽豫章廬江廣陵云安臨淮蓋吳分。斗牛女星紀且東北也。天文志以戌為吳。西北也。西漢以前。其說亦未定信。如西漢地理志所述。則今之江淮浙皆吳分。豫章特其一耳。况豫章所隸諸郡。臨汝又特其一乎。此不可執一而強為之說。且吳楚候熒惑則可以南方言。世人謂南斗為東南吳揚之分。故曰南。非也。何以不曰東南。南北二斗。皆曰斗者。其星各有四成。斗之象。北斗位乎北。居太微垣之北。近天中。杓轉而魁不改其處。故曰北斗。南斗為北方七宿。東行左旋。與二十八宿周流於天。何以曰南。蓋二星俱名為斗。北斗不離乎太微之北。既以北方南斗。為北方七宿之首。自北而南。故以南名。春秋元命包。牽牛流為揚州。首言其宿之行。應於揚州之野。山谷江西道院賦。曰。勾吳之區。維斗所直。何



耶。十二地支位于地。其精氣行乎天。地之東北丑之精氣為斗牛女周行於天。名曰星紀之次。其所應之分野。則在東南。吳揚未嘗相直也。蓋直之為言。亦主也。非但謂其相直。南斗之所主者。吳也。然豫章介於荆揚。故王勃滕王閣記。亦指為異於乃星紀。魏尾之交。荆揚之分野。詳見地理志。後漢律曆志。蔡邕月令章句云。自斗六度至須女二度。謂之星紀之次。越之分野。郡國志。帝王世紀云。自斗十一度至婺女七度。曰星紀之次。其辰在丑。斗建在子。吳越分野。晉天文志。魏太史令陳卓言。郡國所入。宿度。自南斗十二度至須女七度。為星紀。於辰在丑。吳越之分野。屬揚州。直云。起斗十度。諸郡地理志。陳卓。范蠡。范谷。張良。諸葛亮。魏周京房。張衡。並云。豫章入斗十度。隋地理志。揚州為南黃淮海之地。在天官。自斗十二度至須女七度。為星紀。於辰在丑。吳越得其分野。天圓地方。圓者氣動而行。方者形靜而止。形則可以方所而推。氣則難以界限而別。是以二十八舍。分十二次。或盈或縮。其說不齊。以星紀言之。范史自為吳固有斗六度至女二度之說。有斗十一度至女七度之說。晉書隋書復有斗十度至女七度之說。唐書復有起斗九度中二十四度。終女四度之說。氣之動而圓者難明。故也。然斗牛女星紀之分野。乃揚州吳越之所居。臨汝豫章地。

永樂大典卷一萬九百四十九

十二

也。諸家言豫章入斗十度。此為切近。唐書南斗牽牛星紀之次也。丑初起斗九度中斗二十四度。終女四度。其分野自廬江九江。貫淮水之南。盡臨淮廣陵至東海。又逾南河。得漢丹陽會稽。豫章郡。西瀆彭蠡。南涉越州。盡蒼梧南海。古吳越及東南百越之國。皆星紀分也。南斗在雲漢。殷淮海之間。為吳分。牽牛在南河。浸遠。故其分野。自豫章東達會稽。南逾嶺。徼為越分。皆係牛揚國。十二辰次。縱橫交錯。以主十二州之野。十二國之分。此氣化之變。不可以一定之理而求。亦由三垣中外官周天之星象。其名義之所自起。豈得而盡推哉。上哲與天為一。默通其秘。後人因之。莫窮其旨。近世有因唐書南河之云。而為之說。以地之江河。象天之雲漢。謂地氣升天氣降。必在子。子月雲漢漸降。星紀丑位。得其下流。吳越居江之下流。猶丑之當天。漢下流。此說愚甚。感焉。地之支之位。著乎地者。為丑。丑之精氣行乎天者。為星紀之次。為斗牛女之舍。占天者。以其氣之行乎天。推其所主之分野。非以其位之著乎地者而推之也。辟之人焉。其室廬雖各有所止。而其人則周流乎四方。凡天文圖說。以分野附之於地。支者。明此位之精氣。為某次某舍。其應在某分野也。蓋以天之氣化。而主地之分野。非以地之支位。而主地之分野也。今以雲漢降于子。而丑居其下流。當應于江



之下流其然乎。且天氣以子月降者乃地氣上升而天氣下交也。况十二辰次同一氣化。此說但可施之星紀。豈曰粹論耶。文昌星。淳熙志臨川有文昌星。舊經云。上直文昌星。史記天官書斗魁戴太祖廟。六星曰文昌宮。索隱曰。大權鉤云。文者精所聚。昌者揚天祀。補拂並居。以成天象。故曰文昌宮。一曰上將。二曰次將。三曰貴樞。四曰司命。五曰司中。六曰司祿。前漢天文志斗魁戴筭六星。曰文昌宮。晉灼曰。似筭故曰戴筭。一曰上將。二曰次將。三曰貴樞。四曰司命。五曰司祿。六曰司災。晉隋天文志文昌六星在北斗魁前。天之六府也。主集計天道。一曰上將。大將軍建威武。二曰次將。尚書正左右。三曰貴樞。太常理文緒。四曰司祿。司中司祿掌功進。五曰司命。司惟太史主減咎。六曰司寇。大理佐理實。所謂一者起北斗魁前。近內階者也。明潤大小。齊天瑞臻。唐天文志。唐開元九年。一行受詔。改治新曆。欲知黃道進退。而太史無黃道儀。率府兵曹參軍梁令瓚以木為游儀。一行是之。乃奏黃道游儀。云云。其所測與古異者。舊經文昌二星在輿鬼。四星在東井。北斗樞在星一度。璇在張二度。機在翼二度。權在翼八度。衝在軫八度。開陽在角七度。杓在亢四度。今測文昌四星在樞一星在輿鬼。一星在東井。北斗樞在張十三度。璇在張十二度。機在翼十三度。權在翼十七度。太衝在軫十度。半開陽在角四度。少杓在角十二度。少文昌天之六司。旁攷尚書今唐虞官也。是謂文昌天府。晉百官表注尚書萬機實為政本。是以八座比於文昌。劉涓子文昌制戴筭之位。羅將相而枕三台。張衡天象賦。詳觀諸史志。文昌所主者。不但斯文而已。將相貴臣之象。其星凡六。號六府。又六卿之象。北斗在太微垣之上。文昌又在斗魁之前。斗魁從而戴之。此又高明光大之象。史以戴筭言者。其星如筭。筭與斗魁皆以象取。斗與筭其器不能相離。自然之象。星居天庭。與十二辰次殊。所占在上將上。樞及六司貴臣。故諸史未嘗言其所臨照之分野。舊經云。是邦上直。其宮者莫識其為何義。世之星圖或疎或密。難於盡括。唐志所述文昌諸星在井鬼柳星之度。乃西南也。與吾州若無與焉。然嘗觀諸史志。惟西漢史近古。於天文度數。惟言其大率。不若後世之迫切求詳。而流於支離也。漢天文志所述。孝成建始元年九月。有流星出文昌。註折委曲。貫紫宮。在斗西北子亥間。如環志。凡言流星之行。必曰起某所。至某所。或入某所。犯某所。經某所。掃某所。皆動也。惟此占。但言出貫。又言環。又言在子亥間。文昌與斗魁在太微北。皆逼近紫宮垣。流星環之者。不動故也。星出文昌。在子亥間而不動。則文昌亦在子亥間。夫子亥與巳干

永樂大典 卷一〇九四九



相直。巳午東南也。上直文昌宮之說。庶幾在此。又按晉志北斗魁四星杓三星。一主秦二主楚三主梁四主吳五主燕六主趙七主齊七政星明其國昌。四文曲也。臨汝吳分也。舊經所云。上直文昌。此亦一義併記之。

疆界

臨川志。臨汝。在上世為荆揚外荒服。至太伯始有居。遂為禮遜之國。太伯三以天下遜。豈有意於君長。遐裔服仁人所之。從者如歸市。蓋與太王居岐。後先一轍。荆人表而立之者。則國家興仁興遜之天理。一年成聚。二年成邑。三年成都。固其所宜。居是邦。欲成德善俗。關土聚民。當以太伯之心為心。自體察其仁。遜厚薄可也。疆域廣狹。不與存焉。然天下郡縣星分。秦布。名字沿革不一。封境分合各殊。又不可以無述。疏而別之。使人知所以異。叙而通之。使人知所以同。雖然。封疆關乎地勢。則有古今之殊。仁遜存乎人心。則無古今之間。可不念諸。周為荆揚州。楚吳越國。史記吳世家。太伯奔荆。變號句吳。荆蠻表之。立為吳。太伯。武王克殷。求太伯仲雍之後。得周章。已君吳。固封之。越世家。越王勾踐滅吳。時越兵橫行江淮。考六國表時。為周元王四年。及楚威王與兵伐越。大敗之。盡取吳地。商世地為荆。太伯奔奔。始分為吳。按禹貢。淮海彭蠡三江為揚。荆衛江漢九江為荆。

永樂大典卷一萬九百四十九

十四

今豫章本秦九江郡。彭蠡則鄱陽湖也。郡當商周世介居荆揚間。太伯始奔猶為荆。及建國遂為吳。王勃滕王閣記云。星分翼軫。蓋豫章亦屬荆。不但舊揚。禹貢江漢為荆。江淮為揚。太伯之興。荆分為吳。句踐之興。揚州吳地。皆為越。及楚敗越。荆揚江漢江淮皆為楚矣。秦為郡。漢為兩縣。豫揚州。九江豫章郡。九江淮南國。秦滅楚。始皇二十六年分天下為三十六郡。以揚州置鄣會稽九江三郡。典地廣記云。秦置九江郡。漢高祖元年正月項羽立黥布為九江王。四年改九江曰淮南。以布為淮南王。六年分淮南置豫章。屬揚州。領縣十八。有南城。前漢地理志。元和郡國志。漢分豫章郡立南城縣。十一年封子長為淮南王。王布故地。十二年封劉濞為吳王。分豫章屬吳國。諸侯王表。後漢豫章郡屬揚州。和帝永元八年置臨汝縣。唐元和郡國志云。析南城為臨汝。周秦以前地為荆揚二州。更吳越楚三國。至秦分天下為郡地。屬九江。漢初改九江曰淮南。後分淮南置豫章。始立南城縣。至後漢又分南城立臨汝縣。大率太伯以前地尚為荆。太伯有國以後地為吳。周秦以前但為州。秦併天下始為郡。漢有天下始立縣。此其大畧。自秦訖漢。郡縣有沿革。其為揚州則不改。太平御覽云。高帝六年命灌嬰立洪州。分洪州立南城。以其地在郡城之南。故曰南城。洪州之名。漢



# 永樂大典

## 卷一〇九四九

書所不詳南城在洪州之南則有之矣。吳為揚州立臨川郡領十縣。吳志吳主孫亮太平二年以豫章東部為臨川郡。領臨汝南城二縣。治臨汝。晉地理志吳揚州郡十四。臨川其一。宋志云臨川領縣西豐。西豐吳曰西。新建永城。宜黃南豐。東興安浦。皆吳所立。宋志云。吳增置凡八縣。又有西城。唐元和郡國志云。吳太平二年分臨汝為新建。分南城為南豐。以宋志及寰宇志證之。則所分者不特新建南豐而已也。蓋皆臨汝南城地。其名則有所增。其地則無所闕也。詳見于後。晉為江州臨川郡。領縣十。晉地理志惠帝元康元年有司。奏刑揚。據土。曠遠。統理。尤難。割揚州七郡。荊州三郡。置江州。臨川郡。隸焉。領縣臨汝。西豐。南城。東興。南豐。永城。宜黃。安浦。西寧。改吳西城。新建。凡十。宋志云。晉武帝太康元年。更西豐曰西平。又更南城曰新南城。江左復舊。寰宇記云。晉改西城為西寧。名則有改。實無所增也。宋齊為江州領縣九。宋志臨川郡。屬江州。領縣九。臨汝。西豐。新建。永城。宜黃。南城。南豐。東興。安浦。皆西寧。齊志臨川郡。屬江州。從治南城。領縣九。南城。臨汝。新建。永城。宜黃。南豐。東興。安浦。西豐。宋齊二代所領縣。率循兵晉之舊。志所列獨無西寧。宜宋齊廢之耶。梁陳分臨川郡。立巴山郡。各領縣八。元和郡縣志。梁普通三年。改新建為巴縣。寰宇

記。梁分新建西寧兩縣。立巴山縣。又分臨汝置定川縣。隸臨川郡。隋志。梁置巴山郡。領大豐。新安。巴山。新建。興平。豐城。西寧。七縣。又云。陳初廢西寧。新安。巴山。郡。猶管五縣。非臨川所領。臨汝。南城。宜黃。安浦。西豐。南豐。永城。析臨汝為定川。凡八縣。非以前。又有東興。縣。梁封鄆。鄆。封光。格。恭。志。不知何年廢。唐復置。陳割新淦縣。屬巴山郡。巴山郡城。在今宋仁西南三十一里。梁末周敷。周迪。據臨川。黃法氈。熊曇。明。據巴山。迪為臨川內史。割江西四郡為高州。以法氈為刺史。領巴山。曇。明。為巴山太守。西寧之名。不著於宋齊。至梁。乃復見於史傳。吳晉宋齊四代。臨川郡所領縣。雖多。而地實無所增。至梁分臨川郡地。創巴山郡。於是割豫章之豐城。廬陵之興平。永豐。餘地。來隸大豐。新安。皆豐城地也。至陳。又割豫章之新淦。蓋自梁陳以前。地無所增。梁陳而後。分為二郡。於是始割豫章廬陵之地。以附益之。隋初省巴山郡。為撫州。併兩郡所分創縣。惟存其四。後復為郡。隸洪州。舊唐書地理志。元和郡國志。寰宇記。隋平陳時。總管楊武通。奉使安撫。因以撫為名。改臨川郡為撫州。屬洪州總管府。開皇九年。廢巴山郡。及所領大豐。新安。巴山。新建。興平。豐城。西寧。縣。置崇仁縣。考舊志。臨川郡之宜黃。安浦。二縣地。併入崇仁。後以新淦歸吉州。併西豐。定川。入臨汝。改臨



川縣省南豐永城入南城十二年復以豐城廢縣歸豫章郡開皇十二年  
 置邵武縣大業三年復臨川郡領縣四臨川南城崇仁邵武隋平陳以  
 撫名州屬洪州督府昔與豫章同為郡今同為州而交督焉遂省南豐入  
 南城省己山郡置崇仁併西豐定川入臨汝今建昌軍則南城地也今豐  
 城永豐舊與平皆崇仁地也是時新淦尚存古今州境莫廣於此其後雖  
 以新淦還廬陵豐城還豫章尋復以建之邵武未隸矣名曰四縣其數視  
 六朝雖若簡寡語其地則增大夫吳晉間所領十縣臨汝南城存新建西  
 寧南豐西豐廢惟東興永城宜黃安浦不著以唐書證之蓋皆廢矣州本  
 漢豫章郡之南城臨汝縣地也至隋與洪並為州而隸於洪尚兩漢之舊  
 唐初為撫州領縣八後為臨川郡領縣四後復為撫州新舊唐書列傳  
 地理志會要隋大業十二年林士弘據豫章臨川豪傑殺隋守令以附唐  
 武德五年討平士弘置撫州析南城置永城東興析崇仁置宜黃是皆撫  
 州領臨川南城邵武宜黃崇仁永城東興將樂八縣七年以興平之地還  
 吉州今永豐省東興永城將樂三縣以邵武隸建州八年省宜黃領縣三  
 臨川南城崇仁景雲二年析南城置南豐先天二年省開元八年復置天  
 寶元年改臨川郡領縣四臨川南城崇仁南豐乾元元年復為撫州元和

永樂大典卷一萬九百四十九

六年陞上州方鎮表地理志太宗元年分天下為十道撫隸江南開元  
 二十一年分江南為東西置十五採訪使撫隸西道乾元元年置洪吉都  
 防禦團練觀察使置使領洪吉虔撫東五州廣德二年改江南西道咸通  
 六年陞鎮南軍乾符元年復為江西觀察龍紀元年復為鎮南軍撫皆隸  
 焉六朝所置永城東興宜黃安浦四縣至隋蓋皆已廢至唐復永城東  
 興宜黃惟安浦則未嘗復又置將樂凡領縣八尋廢永城東興宜黃將樂  
 又以興平歸于吉邵武歸于建所領縣惟臨川崇仁南城後析南城為南  
 豐凡四縣蓋自六朝以來所領縣雖分合沿革紛然不齊然二漢南城臨  
 汝舊地所析置者則名殊而實不改其自旁郡割隸者如豐城興平今永  
 興邵武將樂新淦則旋各還本矣此係地勢非但隨時之宜也地在秦隸  
 九江在漢為縣吳為郡晉隸揚州晉宋而下隸江州隋改郡為州隸洪  
 州唐為州亦嘗為郡初隸江南道後隸江南西道置洪吉防團等使則隸  
 洪吉置江西觀察則隸江西陞鎮南軍則隸鎮南名雖殊實則一也五代  
 僭竊割據置昭武軍又析為建武軍唐乾符中鍾傳據撫州中和二年鍾  
 傳據洪危全諷據撫州梁開平三年全諷攻洪州淮南楊隆演遣周本將  
 兵敗之于象才潭既全諷地入于吳全諷據撫自中和至開平凡二十八年



偽吳順義九年。陞為昭武軍節度。集字記。晉天福二年。李昇取其地。屬南唐。五代史。南唐年譜。周顯德五年。南唐置金谿場。集字記。宋乾德六年。李煜割崇仁三鄉。立宜黃場。集字記。以為縣。開寶元年。煜以場為縣。宋初會要。二年。南唐以南城縣置建武軍。集字記。地不加多也。當二漢時為縣。至六朝而下。遂為郡。至南唐。遂析為兩軍鎮。名雖侈。地則狹。金谿宜黃初名為場。後皆為縣。蓋始於南唐。宋初復為撫州。初領縣四。後為五。隸江南東西路。開寶八年。王師下江南。得郡十九。改為軍州。特領縣凡四。臨川。崇仁。南豐。宜黃。集字記。公類要。記。撫州曰龍川軍。事。改之前後。載。皆無此名。楊氏嘗陞為昭武軍。所謂龍川軍者。莫詳其所自。蓋臨川。說傳為龍川郡。安公撫州人。其言必不妄矣。太平興國四年。改建武為建昌軍。宋初會要。淳化二年。割南豐縣隸建昌。五年。以金谿場置金谿縣。領縣亦四。紹興十九年。分崇仁縣吉州吉水縣地。置樂安縣。舊志云。乃古之永豐。蓋一郡。蓋永豐縣本吉水縣地。又云。分臨川領秀惠安兩鄉。歸崇仁。領縣凡五。太平興國元年。分江南東西路。復併為一。天禧四年。復分二路。州隸西路。紹興元年。以州隸東路。四年。復隸西路。梁分臨川郡為已山郡。隸其地。狹。自是遂割豫章廬陵之地。以開廣之。及隋初。廢已山。自是所割兩

郡地。各遷其在州境所存者。二漢兩縣之舊地。及邵武而已。及唐初。歸邵武于建訖。唐之季。疆理遂定。南唐既以撫為軍。復分南城為軍。蓋梁析已山郡之故智。疆土則無所增。孫吳初立南豐。本析南城地。隋合之。唐復分南唐以南城為軍。至宋朝。併以南豐割隸。自是撫州之境。大率多漢臨汝縣地。建昌軍之境。大率皆漢南城縣地。南唐分崇仁縣及吉州地。置樂安。今州境。大率漢臨汝縣之舊。畧裨以廬陵之餘地。爾宋朝江南東西路。或分或合。州之隸于東西。蓋亦倣於唐。諸縣撮要。自吳訖宋朝。諸縣或分或合。如前所列。嘗隸于邵者。其名凡二十有二。厥後崇仁。則併已山。梁為縣。故城。已見于前。西寧故城。在崇仁縣南六十二里。新建故城。在崇仁縣西南九十五里。安浦。其地。後復分為樂安。故城。在天授鄉三十二都。去縣六十里。里名安浦。凡四縣。臨川。則併定川。故城。在臨川縣北五十二里。耆老相傳。今新設。故城。是。西豐。故城。在臨川縣西南五十里。凡兩縣。宜黃。則廢為崇仁。而復置樂安。則又從崇仁。而分與金谿。合成五。今為州境。與平則併于吉。後以永豐之雲蓋一郡。隸樂安。即興平地也。南城。則併永城。東興兩縣。與南豐。俱為建昌軍境。豐城。則併大豐。新安兩縣。為隆興府境。新淦。今為臨江軍境。邵武。則為邵武軍。將樂。則歸于南劍州矣。



城池

撫州府志郡城舊宋有九門北門東津門大東門鹽步門下市門上市門

南門赤南門西門前元塞鹽步門止存八門

本朝只開四門東曰文昌南曰順化西曰武安北曰進賢皆重樓疊拱高廣  
雄壯各門外又為外城迴護其城門上亦有樓南西北有吊橋夜則懸起  
朝則放下唯東門有文昌橋遂不置吊橋城下有路可馳馬臨壕環繞皆  
種樹稠密城周圍一千七百九十八丈四尺梁頭二千九百七十四箇樓  
鋪亭臺一百四十五座城高約二丈五尺臨川志郡城舊內地者無敵固

外患城池多廢闕昔者聖人作城郭以衛民蓋惟設險守固而已重門擊  
柝以待暴客蓋取諸豫備豫之道無內外遠近之備庶幾碑志吾州自昔  
大率必因循後方敢築城築者若清平之日先事豫防歟乃查敵五邑之  
境古今諸城興廢之跡廣記備錄使王氏社者存心覽之常為謹固封守

之計以通防四郭之多量開暇之日可以觀政修暢之條以保民也臨川  
志古城在西津外赤岡詳見州治沿革門今城唐寶應間刺史王圓遷詳  
見州治沿革門至中和末刺史危全誨興築址廣三尋高兩尋長十五里  
二十六步有全誨修城之南唐昇元間太守周弘祚修之闢之建十三門

水樂大典卷一萬九百四十九

門各有樓加長五里濠深及丈者三廣則六倍有奇有以作修城記建炎  
初太守王公仲山補葺之紹興中張公澆重修僅存九門紹定庚寅汀邵  
寇相挺犯境詳見郡境事跡太守黃公炳再加浚築城之高廣如全誨私  
祚濠之深闊則視昔不啻數倍蓋自中和以來所未有甫三十載城日就  
頽圯景定癸亥太守家戶部補葺城與門之壞者有修城記州城  
九門東朝京舊名通遠直文名橋東南清風俗謂鹽步門可水門即鹽  
之也王荆公舊居在焉詩有鹽步庭開眼欲穿之句出於危臣設錄東南  
奉明濠有橋東南金谿濠有橋南順化濠有橋越橋耆老相傳為葫蘆城  
舊址蓋此乃邱山來林而濠不容深故築此以護城西南豐安濠有橋西  
迎恩濠有橋北進賢濠有橋東北安仁直東津渡已上門各有樓子城  
刺史危全誨自郡城之西徙於此周一里二百五十步有全誨及後  
保和所為記詳見州治沿革門太守張公澆修之仍建門三亦各有樓太  
守家戶部補葺重修子城三門子城臨川城西故無西門東承春與  
樓相直南通教以其通諸營也北望雲以其地最高也放生池山川  
之鳥獸魚鼈臺沼之鹿麋白鳥夏后文王宜區區然求以全育之天地以  
其心普萬物而無心也况臨汝介居山澤間距王畿千里而近有生之類



永樂大典

卷一〇九四九

在郡國如在郊甸。處江湖如在池沼。所居之地則殊。所蒙之潤則一。雖然池沼之微。豈足以盡聖人之仁。是乃聖人仁民愛物之端也。懿哉。唐放生池。因汝水為之。古今詩話載唐末邕州蔡大夫遷撫州刺史。平月無出。故題石不載。禁汝水放生池。禁採捕。思有人來小舟垂釣。其中捕之釣者為口號云。後却長竿捲却絲。手携篋笠賦新詩。臨川太守清如鏡。不是未正辭。始即吳陵左之南塘為之。今南湖是也。其後復浚之。置斗門。以均蓄洩之。置宋朝放生池。天禧初。詔諸路興舊放生池。無者近城上下各五里。禁採捕。天聖二年。又詔未置者許濬池於附郭五里。郡守朱公正辭。即豐安門外南湖為之中廢於兵。紹興中。郡守晁公謙之作芙蓉堂於湖上。乾道中。郡守藍公師稷重修。郡人陳公瑞記。今放生池在觀臺之前。溪復汝水之舊也。井。吳于水而上水為井。汝水自吳來。趨放坎會眾流於下。而州城位於其上。是以城雖盤踞丘垤。地勢崇高。而井泉則有餘者。木上有水之理氣然也。故不待斗升以及西江。而波臣之報常潤。朱井。在郡學夫子殿西廡。有泉清冷。丹井。在大慶觀聖祖殿前。臨汝驛前井。易渴。臨汝驛巷口井。東津門內井。舒家井。已上並具慶坊。祥符觀前

永樂大典卷一萬九百四十九

井。鳴山行祠相對。法眼泉三井。在報恩光孝寺。一方丈。一庫下。一廚東。海井。有樓。天禧三年。進士危言記。泉深。汝泉井。善在孫氏園內。有泉林後廢。今園外渠上井覆以亭。而易園者非是。水陸寺前井。巨巷內井。東通判衙前井。紫府觀門井。沙井巷井。易渴。水黃井。井以黃木為底。今存。寶應寺前井。白鹿泉井。寶應寺經藏院。今在舍堂瓦園。詳見古迹條。提舉司臺下井。已上並具慶坊。大小兩教井。墮步廊下。大者小同。小者易渴。陶家井。蕭家嶺橋北井。下井巷井。興聖寺前井。桐林嶺上井。已上並文公坊。新巷尾義井。城北坊。上門塔下義井。八角井。深七丈。闊一丈。石底。土地巷口井。已上並相贊來。縣城隍廟前井。李齊王井。在營前大即門前。深五丈。危王井。萊營巷五尺園內。深七丈。護福廢寺前井。已上並相贊西坊。石井一名危王井。西街管天即門外。或有全錢上字之。寶慶泉井。西街。李運使門外。陳正字巷井。董提督門外。泉清。武雄忠節營前井。大營巷內井。大營巷口井。已上並仁孝坊。野塘巷口井。易渴。瑞童坊井。西通判衙前井。已上並慶延坊。已上並見郡城內。丹井。在觀臺觀經殿側。已上見郡城外。

至到



撫州府志東至江西廣信府貴溪縣諸盧坊界一百八十里。西至江西臨江府清江縣清風橋界三百一十里。南至江西建昌府南城縣界山界八十里。北至江西南昌府進賢縣界牌界六十里。東到江西廣信府治四百五十里。西到江西臨江府治二百八十里。南到江西建昌府治一百二十里。北到江西南昌府治二百四十里。東南到江西建昌府南城縣石家塘界二百七十里。西南到江西建昌府南城縣芙蓉山界二百里。東北到江西饒州府餘干縣石坑界二百二十里。西北到江西南昌府豐城縣楊塘界六十里。九域志東京二十七百二十里。

東至本州界二百六十里。自界首至饒州三百一十里。西至本州界二百一十八里。自界首至吉州三百六里。南至本州界八十九里。自界首至建昌軍五十五里。北至本州界五十四里。自界首至洪州九十三里。東南至本州界一百四十七里。自界首至建昌軍五十五里。西南至本州界二百四十四里。自界首至吉州二百一十二里。東北至本州界一百六十三里。自界首至龍州二百六十二里。西北至本州界八十三里。自界首至洪州一百五十七里。蒙宇記 東西四百七十八里。南北六百三十七里。西北至東京二十一百里。西北至西京二千五百

永樂大典卷一萬九百四十九

二十

里。西北至長安三千三百五里。取隨州路二千九百二十五里。東至饒州餘干縣三百二十里。南至虔州一千一十里。西至吉州四百二十五里。北至洪州二百四十里。東南至建州八百三十七里。西南至吉州四百五十里。西北至洪州四百五十里。東北至饒州四百二十里。鄱縣志南北六百三十六里。臨汝志云二百三十里。東京一千七百五十里。東至饒州五百七十里。西至吉州五百二十五里。南至建昌軍一百四十四里。西南至吉州四百五十六里。北至隆興府一百四十七里。東北至饒州四百二十四里。東南至建昌軍二百二里。西北至隆興府二百四十里。臨川志周禮職方氏。王畿外方五百里曰侯服。而以合方氏掌達天下之道路者稽之。宜限於一郡一邑。自私其智。五州四達之康莊也。舊志所列。乃盡四境而北。今則自京師而都。自都而路。自路而天下會同。東京有通。通海。通藩。通。八荒。洞然。吾儕對之。可以不出戶庭。周知天下。越水之路。導於安仁。信之。入信州。歷漸之常山。入衢州。取嚴之桐廬。至富陽。入臨安府。為一千八十里。嘉定志。自本州至行在所。一千八十里。已上並舊志所紀。真今有異。詳列于後。自本州至饒州安仁縣。為一百六十里。自安仁縣至信州



弋陽縣為一百一十里。自信州至玉山縣為九十里。自玉山縣至衢州常山縣為七十里。自常山縣至衢州為七十里。自衢州至嚴州壽昌縣為一百一十里。自壽昌縣至嚴州桐廬縣為一百八十里。自桐廬縣至臨安府新城縣為四十五里。自新城縣至臨安府富陽縣為四十五里。自富陽縣至行在所為九十里。已上係自本州陸路至行在所共為一千八十里。自衢州常山縣舟行自衢州為七十里。自衢州至龍游縣為七十里。自龍游縣至嚴州蘭溪縣為九十里。自蘭溪縣至嚴州為九十里。自嚴州至桐廬縣為九十里。自桐廬縣至臨安府富陽縣為九十里。自富陽縣至行在所為九十里。已上係自衢州常山縣舟行水路至行在所共為九百九十里。樂侍郎太平寰宇記末至饒州餘干縣三百二十里。南至虔州一百一十里。西至吉州四百二十五里。北至洪州一百四十里。東南至建州一百三十七里。西南至吉州四百五十五里。西北至洪州四百五十五里。東北至饒州四百二十里。晏几道公類要東饒二百六十里。西吉二百二十八里。南建昌軍八十九里。北洪一百四十七里。東南吉二百四十四里。東北饒一百六十三里。西北洪六十三里。淳熙志東至饒州餘干縣界。里二百六十。西至吉州界。里二百一十八。南至建昌軍界。里八十九。北至洪州界。里一百四十七。東南至建昌軍界。里八十九。西南至吉州界。里二百四十四。東北至饒州界。里一百六十三。西北至洪州界。里六十三。嘉定志東至饒州餘干縣界。二百六十里。西至洪州界。二百一十八里。南至建昌軍界。七十五里。北至隆興府進賢縣界。五十五里。東南至建昌軍界。八十九里。西南至吉州界。二百四十四里。東北至饒州界。一百六十三里。西北至隆興府豐城縣界。六十里。已上諸書所記蓋皆昔年之舊。今之道里列于後。東至饒州安仁縣界。一百二十里。西至臨江軍新淦縣界。二百一十八里。南至建昌軍南城縣界。七十五里。北至隆興府進賢縣界。五十五里。東南至建昌軍南城縣界。九十里。西南至吉州永豐縣界。二百五十五里。東北至饒州安仁縣界。一百二十里。西北至隆興府豐城縣界。六十里。江西諸郡舊志無所記。今詳列于後。自本州至隆興府進賢縣一百二十里。至隆興府一百二十里。至南康軍建昌縣。二百二十里。至江州德安縣。一百二十里。至江州六十里。至興國軍一百八十里。自本州至隆興府豐城縣。一百六十里。至樟樹鎮。八十里。至臨江軍四十里。至臨江軍新淦縣六十里。至吉州吉水縣。一百八十里。至吉州四十二里。至南安軍南康縣。八十里。至吉州萬安縣。一百里。至贛州。二百二十里。至南安軍南康



總八十里至南安軍一百九十里。自豐城縣至瑞州一百二十里。自臨江軍至新喻縣一百二十里。至來州分宜縣八十里。至袁州七十里。自本州至建昌軍一百二十里。它路郵部舊志無所紀。今詳于後。自本州至信州并衢州。見起京路。自本州至饒州安仁縣一百六十里。至饒州餘干縣一百五十里。至饒州一百一十里。自本州至建昌軍一百二十里。至鄱武軍光澤縣二百二十里。至鄱武軍六十里。自本州至江州五百六十里。至南康軍一百八十里。諸路舊志無所紀。今詳於後。自本州至衢州六百一十里。至衢州龍游縣七十里。至婺州一百一十里。至婺州義烏縣九十里。至紹興府諸暨縣九十里。至紹興一百二十里。自本州至行在所一千八十里。至嘉興府一百八十里。至平江府一百八十里。自本州至饒州四百二十里。至饒州建德縣二百八十里。至池州二百里。至池州青陽縣七十五里。至寧國府南陵縣一百三十五里。至太平州蕪湖縣六十里。至太平州六十里。至建康府一百三十五里。至鎮江府一百八十里。至瓜州四十五里。至揚州五十五里。自太平州至來石二十五里。至和州六十里。至廬州一百六十里。自本州至來州五百五十里。至來州萍鄉縣一百四十里。至潭州醴陵縣九十里。至衡州九十里。

永樂大典卷一萬九百四十九

至潭州九十里。自臨江府至衡州一百八十里。至永州二百七十里。至全州二百七十里。至靜江府興安縣九十里。至靜江府靈川縣九十里。至靜江府九十里。自本州至興國軍七百八十里。至壽昌軍一百二十里。至邕州一百二十里。至岳州三百六十里。至藕池一百二十里。至江陵府公安縣一百二十里。至沙市七十五里。至江陵府一十五里。至襄陽府三百六十里。自本州至高安軍一千二百里。至大庾嶺梅關二十里。至南雄州七十里。至韶州二百四十里。至英德府二百四十里。至廣州三百里。自本州至鄱武軍四百里。至建寧府嘉禾縣一百二十里。至建寧府二百八十里。至南劍州一百八十里。至福州水口鎮一百二十里。至福州懷安縣一百二十里。至福州四十里。本州至諸縣。臨川縣在郡治南二百四十里。宜黃縣一百二十里。金谿縣一百二十里。樂安縣二百四十四里。九一建志。北至上都。五十一百四十五里。北至大都。四十三百八十五里。東至饒州路安仁縣一百二十里。西至富州界牌六十里。南至南城縣界山七十五里。北至進賢縣界牌五十五里。東到信州路三百八十里。西到臨江路二百八十里。南到建昌路一百二十里。北到龍興路二百一十里。東南到鄱武路六百七十



永樂大典

卷一〇九五〇

里。西南到吉州路四百五十六里，東北到饒州路四百二十四里，西北到瑞州路二百八十里。

永樂大典卷之一萬九百四十九

永樂大典卷一萬九百四十九

二十三